

## Naqqiut

Siunnersuut 26. februar 2016-imeersoq taarserpaa

Inatsisartut Allattoqarfianit innersuussineq malillugu qallunaatut qulequtaani aammalu taassuma kalaallisut nutserneqarnerani iluarsiiisoqarpoq.

Matumuuna Inatsisartut Suleriaasianni § 33 malillugu Naalakkersuisut aalajangiussassatut siunnersuut manna saqqummiuppaat:

**Aktiaateqarluni piginneqataassuteqarlunilu ingerlatseqatigiiffiit pillugit inatsisip (ingerlatseqatigiiffiit pillugit inatsisip) atuutilernissaa pillugu Kalaallit Nunaannut peqqussummut oqaaseqaatissamut Inatsisartut aalajangiiffisassaattut siunnersuut** (Inuussutissarsiornermut, Suliffeqarnermut, Niuernermet Nunanullu allanut Naalakkersuisoq)

**Tungavilersuut**

Aalajangiussinissamut siunnersuut Kalaallit Nunaanni inuussutissarsiornermi ineriartortitsinerup niuernikkullu aningaasaliisarnernik siuarsaanissamut siunnersuutiniq saqqummiussisussatut 2013-imi pilersitatut danskit-kalaallit suleqatigiissitaliaannit inassutigisanik malitsigisitaavoq. Suleqatigiissitat 2015-imi februaarimi nalunaarusiorput.

Nalunaarusiami ilaatigut suliassa qarfinni pingaarutilinni arlalinni suli danskit piginnaasaqarfigisatut suliassa qarfigisaanni, aammalu suli annertuumik EU-mi inatsisiliaasunit aallaaveqartuusumi inuussutissarsiornermut inatsisaasunik nutarteriuartoqarnissaanik pisariaqartitsineq tikkuartoqarpoq. Inuussutissarsiornermik, ingerlatseqatigiiffeqarnerup naatsorsuuserisarnernullu iluini naalagaaffeqatigiinneq akimorlugu malittarisassiat assigiit danskit, nunat allamiut kalaallillu suliffeqarfiinut aqutsinikkut oqilisaataasinnaapput. Kalaallit Nunaata nunat allamiunik aningaasaliisartunik suliffeqarfinnillu aggersaasinnaanissaa sianigalugu Kalaallit Nunaanni inuussutissarsiornermik inatsiserisat ullutsinnut naleqquttunik tamanillu takussutissiisut pingaarutilerujussuusut suleqatigiissitat aamma isumaqarfigaat.

Nutarsaanerup ilaatut Kalaallit Nunaannut atuutsitatut inuussutissarsiornermik inatsisaasut nutarterneqarneri qarasaasiatigut nalunaaruteqartarnissamik aaqqiissutiniq ammaassapput, taakku nunatsinni suliffeqarfinnut aqutsinikkut annertuupilussuarnik oqilisaataassallutik, taamaalillutillu siuarsarnermut nutaamut isumalluutiniq atugassiinnaassallutik.

Piginneqatigiiffiit pillugit inatsisip atuutsilernerata tassaavoq inuussutissarsiornermi inatsisaasunik nutarsaaffeqartutut pisassarisani tamarmiusuni inatsisinit arlalinnit ataasiinnaq, taakku akornanniimmata inuussutissarsiutinik ingerlatsisutut aningaasaateqarfiit pillugit inatsit, ukiumoortumik naatsorsuutit pillugit inatsit, naatsorsuutitut allattuisarnermut inatsit, aamma naalagaaffimmit akuerisaasutut uppernarsaatit aamma kukkunersuisartut nalunaarsugaasut pillugit inatsit.

### **Tunngavik**

Kunngip peqqussutaanut missingiummut nassiussamut siunertarineqarpoq Kalaallit Nunaannut piginneqatigiiffiit pillugit inatsisaasunik nutarsaanissaq, taamaalilluni manna tikillugu atuutsitatut aktianik piginneqatigiiffiit pillugit inatsimmik Kalaallit Nunaannut atuutsitsinissaq pillugu kunngip peqqussutaa nr. 620, 23. juni 2008-meersoq, aamma manna tikillugu atuutsitatut anpartsselskabit pillugit inatsimmik Kalaallit Nunaannut atuutsitsinissaq pillugu kunngip peqqussutaa nr. 619 atorunnaarsinneqassallutik, taarserneqarlutillu aktianik piginneqatigiiffiit aamma anpartsselskabit pillugit inatsimmik (piginneqatigiiffiit pillugit inatsimmik) Kalaallit Nunaannut atuutsitsinissaq pillugu peqqussummik, nunatsinni pissutsinik malitsigisitaasunik allannguutaasut ilanngullugit.

### **Imarisai**

Peqqussummut missingiutip siunertaraa piginneqatigiiffiit pillugit inatsisip nutaap, malitsigisitatullu tassunga allannguutissatut inatsisip kunngip peqqussutaatigut Kalaallit Nunaannut tamakkiisumik imaluunniit ilaannakortumik atuutsilersinnissaat. Taamaalilluni peqqussummut missingiutikkut nunatsinni pissutsinik malitseqartillugit allannguutit ilanngullugit inatsisip tullinnguuttut Kalaallit Nunaannut tamakkiisumik imaluunniit ilaannakortumik atuutsilinissaannik siunnersuuteqartoqarpoq:

Piginneqatigiiffiit pillugit inatsisip, suliffeqarfiit inuussutissarsiornermik ingerlataqartut ilaat pillugit inatsisip, iluanaarutinik pinerlunnikkut malunnarunnaarsitsineq peqqarniitsuliornernullu aningaasaliisarnerit akiorniarlugit iliuitsit pillugit inatsisip kiisalu akileraartarnermik nakkutilliineq pillugu inatsisip allanngortinneqarnissaat pillugu inatsit nr. 739, 1. juni 2015-meersoq.

Aktianik piginneqatigiiffiit anpartsselskabillu pillugit inatsit (piginneqatigiiffiit pillugit inatsit) nr. 470, 12. juni 2009-meersoq.

Ukiumoortumik naatsorsuutit pillugit inatsisip aamma piginneqatigiiffiit pillugit inatsisip allanngortinneqarnissaat pillugu inatsit nr. 720, 25. juni 2010-meersoq (Kukkunersuinermut pisussaaffiup qasukkaaviginera).

Aktianik piginneqatigiiffiit anpartsselskabillu pillugit inatsisip (piginneqatigiiffiit pillugit inatsip) allangortinneqarnissaa pillugu inatsit nr. 1557, 21. december 2010-meersoq (Kattunnernut arlalinngortitsinermullu il.il. atatillugu nalunaaruteqarnissamut uppernarsaatqarnissamullu piumasaqaatit pillugit malitassat allangortinnerisa piviusunngortinnerat).

Piginneqatigiiffiit pillugit inatsisip, ukiumoortumik naatsorsuutit pillugit inatsisip kiisalu pappialanik nalilinnik niuerneq il.il. pillugit inatsisip allangortinneqarnissaat pillugu inatsit nr. 477, 30. maj 2012-imeersoq (aktiat tigungmiartumit pigineqartut pillugit pisortat oqartussaasuisa paasissutissanik pissarsinissamut periarfissaqarnerulernerat aamma suliffeqarfiit ilaannut naatsorsuutit nakkutilliinermut akiliutit allangortinnerat).

Attaveqatigiinnerup pinngitsoorani digitalimik ingerlanissaa il.il. pillugit inatsisitigut aalajangersakkat assigiinngitsut allangortinneqarnissaat pillugu inatsit nr. 1231, 18. december 2012-imeersoq (Attaveqatigiinnerup pinngitsoorani digitalimik ingerlanissaa kiisalu oqartussaaffiit nuunneqarnerisa il.il. kinguneranik naleqqussaanerit).

Piginneqatigiiffiit pillugit inatsisip, ukiumoortumik naatsorsuutit pillugit inatsisip kiisalu inatsisit allat assigiinngitsut allangortinneqarnissaat pillugu inatsit nr. 1383, 23. december 2012-imeersoq (qullersaallutik aqutsisuusuni suaassutsinut agguataarinermut kisitsisitigut anguniakkat politikikkut anguniakkallu pillugit maleruagassanik eqqussineq, tamannalu pillugu nalunaaruteqarneq).

Piginneqatigiiffiit pillugit inatsisip, suliffeqarfiit inuussutissarsiornermik ingerlatsisut ilaat pillugit inatsisip, ukiumoortumik naatsorsuutit pillugit inatsisip kiisalu Suliffeqarfinnik Qitiusumik Nalunaarsuiffik pillugu inatsisip allangortinneqarnissaat pillugu inatsit nr. 616, 12. juni 2013-imeersoq (Aallarnisaasut piginneqatigiiffiit eqqussineq, anpartsselskabit piginneqatigiiffittut aningaasaataasa minnerpaaffissaannut piumasaqaatit, anpartsselskabinik killilimmik akisussaaffeqartunik nutaanik, suliffeqarfiit inuussutissarsiornermik ingerlatsisut il.il. pillugit inatsimmut ilaasunik pilersitsinissamut periarfissap atorunnaarsinnera).

Pillaasarnermik inatsisip, eqqartuussisarneq pillugu inatsisip inatsisillu allat assigiinngitsut allangortinneqarnissaat pillugu inatsit nr. 634, 12. juni 2013-imeersoq (Aningaasanik pinerluuteqartarneq akiorniarlugu suliniarnerup sakkortusinnera).

Ukiumoortumik naatsorsuutit pillugit inatsisip, piginneqatigiiffiit pillugit inatsisip inatsisillu allat assigiinngitsut allangortinneqarnissaat pillugu inatsit nr. 1367, 10. december 2013-imeersoq (Ukiumoortumik nalunaarutit tuluttoortut aamma inuiaqatigiinnut akisussaaneq pillugu nassuiaat).

Piginneqatigiiffiit sulisut aningaasaliissuteqarfigisaat pillugit inatsit nr. 1284 af 09. december 2014-imeersoq

Ukiumoortumik naatsorsuutit pillugit inatsisip inatsisillu allat assigiinngitsut allanngortinneqarnissaat pillugu inatsit nr. 738, 1. juni 2015-imeersoq (Allaffissornikkut nammagassat ikilisarnerat, naatsorsuutitut nunat tamat akornanni periutsinut naleqqussaaneq, naatsorsuutitut malitassanik nutaanik piviusunngortitsineq kiisalu paasiuminartuunissaannut malitassanut allannguutit il.il.).

Piginneqatigiiffiit pillugit inatsisip aktianik piginneqatigiiffiit pillugit inatsit aamma anpartsselskabit pillugit inatsit, aamma aktianik piginneqatigiiffinnut ataatsimoorussatut inatsit, tassani ilaallutik kommanditaktieselskabit, aamma anpartsselskabit, ilaallutik aallarnisaasut piginneqatigiiffii. Aallarnisaasut piginneqatigiiffiat tassaavoq anpartsselskabinut iluseq immikkut ittoq nutaaq, piginneqatigiiffiit pillugit inatsimmi 2013-imi ilanngunneqartoq.

Piginneqatigiiffik 1 kr.-mik aningaasaateqartillugu aallarnisaasut piginneqatigiiffiat pilersinneqarsinnaavoq, taamaasilluni piginneqatigiiffimmi ikinnerpaamik ataatsimik aningaasaatinik piginnittuussuseqartoqassalluni. Piginneqatigiiffiup aningaasatigut tunngaviata annertusarnissaanut pinngitsoorani sillimmatissanut piginneqatigiiffiup sinneqartoorutaasa minnerpaamik 25 procentinik illikartitsinissaq aallarnisaasut piginneqatigiiffiata pisussaaffigaa. Tamatuma saniatigut piginneqatigiiffiup piginneqatigiiffittut aningaasaatai kiisalu piginneqatigiiffiup aningaasatigut tunngaviata annertusarnissaanut pissamaatit annertusarnerannut aningaasaatit minnerpaamik 50.000 kr.-nik annertussuseqalersinnagit, aallarnisaasut piginneqatigiiffiat sinneqartoorutinik agguaassisinnaanngilaq.

Anpartsselskabinut aningaasaatinut piunasaqaatit 125.000 kr.-niit 50.000 kr.-nut appartinneqarput. Aktianik piginneqatigiiffinnut aningaasaatinut piunasaqaatit maannamutut 500.000 kr.-upput.

Erhvervsstyrelsimi nutaatut aningaasaatinik piginneqatigiiffinni aningaasanik piginnittut pillugit paasissutissat nalunaarsornerinut qarasaasiakkut piginnittunik nalunaarsuiffiliorqarpoq. Nalunaarsuiffik ammasortaqrpoq, kikkunnit tamanit misissornerqarsinnaasoq, aammalu matoqqasortaqluni, taamaallaat pisortanut ammasuusoq.

Aningaasaatinik piginneqatigiiffiit aqutsinermik aqqissuussinerminnut piginneqatigiiffiit pillugit inatsisikkut eqaalluinnartumik periarfissinneqarput. Piginneqatigiiffinnut ataasiakkaanut pitsaanermik naleqqussakkamik aqutsinermik aqqissuussanik pingaarnernik nutaanik suliaqarfeqarnissamik inatsit periarfissiivoq.

Piginneqatigiiffimmi pissutsit pillugit nalunaarsukkat tamarmik Erhvervsstyrelsen qarasaasiaqarfiatigut tamanut saqqummiunneqartarput, taamaasilluni paasissutissat piginneqatigiiffiit pillugit inatsit malillugu tamanit takuneqarsinnaasut qarasaasiakkut nittartakkami datacvr.virk.dk-mi takuneqarsinnaapput.

Aktianik piginneqatigiiffiit pillugit inatsisip aamma anpartsselskabet pillugit inatsisip Kalaallit Nunaanni atuutsinneqalernissaat pillugu peqqussutit atuuttut malillugit kalaallit piginneqatigiiffii pillugit nalunaarsukkat aamma Atuagalliutini saqqummiunneqartartussaapput, Atuagalliutit qaammammut marloriarlutik Kalaallit Nunaanni piginneqatigiiffiit pillugit Erhvervsstyrelsen qarasaasiaqarfianut nalunaarsukkat pillugit paasissutissanik imaqartaramik. Atuagalliutitigut tamanut saqqummiussisarneq ingerlateqqinneqassanngitsoq peqqussutissatut missiungiummi siunnersuutigineqarpoq, taamaasilluni kalaallit piginneqatigiiffii pillugit nalunaarsukkanik siunissami taamaallaat Erhvervsstyrelsen qarasaasiaqarfiatigut tamanut saqqummiussisoqartassalluni.

Attaveqatigiinnerup pinngitsoorani digitalimik pinissaa pillugu malerugassanik piginneqatigiiffiit pillugit inatsit malillugu aalajangersaasoqarsinnaavoq, piginneqatigiiffiit Erhvervsstyrelsilu akornanni attaveqatigiinnerup tamarmiusup digitalimik ingerlanissaa taakku ilaatigut kingunerissavaat, aqutsisoqarfiup nammineerluni nalunaarsueriaasianik digitaliusumik piginneqatigiiffinni pissutsit pillugit nalunaarsuinerlutik nammineerluni nalunaarsuinerlutik atugassiamik atuineq ilanngullugu.

Piginneqatigiiffiit paasissutissanik il.il. pineqartunik aqutsisoqarfiup qarasaasiaqarfianut namminneerlutik nalunaarsuisarnissaat piginneqatigiiffiit pillugit aalajangersakkat ilaanni piimasaqaataavoq, nalunaarsuinerullu kingorna paasissutissat tamanit takuneqarsinnaalertassallutik.

Tamakku saniatigut piginneqatigiiffiit pillugit inatsisip atuutsilerneru piginneqatigiiffinnut inatsisaasuni suliaasaqarfinni makkunani nutaanik malittarisassiaqalerneru nassataqassaaq:

- Pilersitsineq
- Piginneqatigiiffiup aningaasaataanik aningaasatigut piimasaqaatit akiliinerlu
- Aningaasaatinut piginneqataassutsit (aktiat piginneqataassutsillu (anparter))
- Aningaasannngortitsineq tuniniarneqarsinnaanerannillu killiliinerit
- Ataatsimeersuarneq
- Suiaassutsinut ikinnerussuteqartunut kisitsisitigut siunniussat anguniakkallu
- Piginneqatigiiffinni pappialanik nalilinnik niuerfimmi niuerutigineqarsinnaasuni aqutsisunut ilaasortat isaatititik malillugit aningaasarsiaqartitaanerit
- Sulisunik sinniisuutitaqarneq
- Aningaasaatinik amerlisitsinerit
- Aningaasaatinut peersineq (aningaasaatinik ikilitsitsineq il.il.)

- Aningaasaatinik piginnittuussutsit nammineq pigisat
- Atorunnaarsitsineq (likvidation il.il.) Kattunneq avissaartitsinerlu
- Allangortitsineq
- Naalagaaffiup aktianik piginneqatigiiffiutaanni maleruagassat immikkut ittut

Piginneqatigiit pillugit inatsisip imarisaanik ilassutitut nassuiaammut pingaarnersiuneq innersuussutaavoq.

### **Kalaallit Nunaanni inatsisaasunut tunngasut**

Piginneqatigiiffinni pissutsit pillugit nalunaarsuinnermut atugassatut aqutsisoqarfiup digitalimik nammineq nalunaarsuisarnermut aaqqiissutaanik atuisinnaanermut nunatsinni inuussutissarsiorfik tamakkiisumik piviusutut iluaqutissarsisinnaassappat suliffeqarfinnik nalunaarsuisarneq pillugu inatsisaasuni, ilanngullugu IIN-imi nalunaarsuivik pillugu inatsisaasuni allannguuteqartitsinissaq pisariaqassaaq.

### **Namminersorlutik oqartussanut aningaasaqarnikkut kingunerisinnaasat**

Aktianik piginneqatigiiffiit anpartsselskabillu pillugit inatsisip atuutsilernerata nassatarisaanik namminersorlutik oqartussanut annertusisanik aningaasartuuteqassanera naatsorsuutigineqanngilaq.

### **Inuussutissarsiorfimmu il.il. aningaasaqarnikkut aqutsinikkullu kingunerisinnaasat**

Piginneqatigiiffiit pillugit inatsisip atuutsilernerata inuussutissarsiorfimmu annertuunik aqutsinikkut oqilisaassaaq, aammalu avataanit aningaasaliisinnaassutsit aggersarnissaannut oqilisaassalluni.

### **Tusarniaaneq**

Aalajangiussinissamik siunnersuut sapaatit akunnerini tallimani namminersorlutik oqartussat tusarniaanermut nittartagaaniitineqarpoq, illua'tungerisanullu toqqartukkanut tusarniaassutitut nassiussorneqarsimalluni. Sulisitsisunit, Kommuneqarfik Sermersuumit, Nunatsinni Advokatinit, aamma GrønlandsBANKENimit tusarniaanermut akissuteqartoqarpoq, tamarmik oqaaseqaatimikkut iluarinnittuusunit.

### **Innersuussut**

Aktianik piginneqatigiiffiit anpartsselskabillu pillugit inatsisip (piginneqatigiiffiit pillugit inatsisip) atuutsilernissaa pillugu Kalaallit Nunaannut peqqussummut Namminersorlutik Oqartussat akuersissuteqarsinnaanerat Naalakkersuisut innersuutigissavaat.